



VIII GOVERNUN KONSTITUSIONÁL

[Nota: Versaun Tetun Diploma ida ne'e atu fasilita Instituisaun Estadu nian hodi Ezekuta Orsamentu Jerál Estadu ba 2021, bainhira iha diferensia interpretasaun entre Vessaun Tetun ho Versaun Portugueza prevalese mak Versaun Portugueza]

Dekretu Governu n.º 1/2021, loron 8 fulan-janeiru

EZEKUSAUN HUSI ORSAMENTU JERÁL ESTADU NIAN BA 2021

Lei n.º 14/2020, loron 29 fulan-dezemburu, aprova ona Orsamentu Jerál Estadu nian ba 2021, ne'ebé apresenta previzaun orsamentál sira hosi órgaun no servisu sira Setór Públiku Administrativu nian, no inklui Orsamentu ba Administrasaun Sentrá, Orsamentu ba Rejiaun Administrativa Espesiál Oe-Cusse Ambeno no Orsamentu ba Seguransa Sosiál.

Tuir termu husi artigu 19.º iha Lei n.º 14/2020, loron 29 fulan-dezemburu, regra sira kona-ba ezeekusaun Orsamentu Jerál Estadu nian hetan aprovasaun ho dekretu Governu nian.

Nune'e, diploma ne'e halo aprovasaun ba regra sira kona-ba ezeekusaun Orsamentu Jerál Estadu nian ba 2021.

Diploma ne'e nia intensaun mak garante kontrolu orsamentál ida-ne'ebé efektivu no rigorozu no, iha tempu hanesan, atu simplifika prosedimentu sira iha ezeekusaun orsamentál, hodi fó continuidade ba mudansa hirak ne'ebé hahú tiha ona iha tinan 2020, ho objetivu atu fasilita ezeekusaun Orsamentu Jerál Estadu nian ba tinan 2021 husi órgaun no servisu sira Setór Públiku Administrativu nian.

Iha tinan 2021, ita espera haree melloria kuantitativa no kualitativa kona-ba informasaun hosi órgaun no servisu sira Setór Públiku Administrativu nian. Hodi alkansa buat ne'e, utilizasaun hosi Sistema Informátiku ba Jestaun Finanseira tenke universál, ho salvaguarda ba exesaun ne'ebé Parlamentu Nasionál mak decide, atu permite transparénsia boot liu iha ezeekusaun orsamentál. Tanba ninia espesifisidade no autonomia, ezeekusaun hosi Orsamentu

ba Seguransa Sosiál bazeia ba sistema informátiku ho jestaun finanseira rasik, maibé aplika nafatin obrigasaun atu hato'ó informasaun.

Dala ikus, Governu tenke publika informasaun kona-ba ezekeusaun orsamentál iha kada fulan hodi fasilita Parlamentu Nasionál no Câmara de Contas atu hala'ó diak liu ninia atribuisaun ba akompañamentu no fiskalizaun.

Nune'e, Governu dekreta, tuir previstu iha artigu 19.º husi Lei n.º 14/2020, loron 29 fulan-dezemburu, ne'ebé aprova Orsamentu Jerál Estadu nian ba 2021, atu vale nu'udar regulamentu, mak:

KAPÍTULU I

Dispozisaun inisiál

Artigu 1.º

Objetu no ámbitu

1. Diploma ida-ne'e estabeselese regra sira kona-ba ezekeusaun Orsamentu Jerál Estadu nian ba tinan 2021, ne'ebé aprova iha Lei n.º 14/2020, loron 29 fulan-dezemburu.
2. Diploma ida-ne'e aplika ba Orsamentu Administrasaun Sentrál nian, Orsamentu ba Rejiaun Administrativa Espesiál Oe-Cusse Ambeno no Orsamentu Seguransa Sosiál nian.

Artigu 2.º

Rejime finanseiru

1. Rejime finanseiru inklui konjuntu regra sira ne'ebé define kapasidade orsamentál, finanseira no patrimoniál husi órgaun no servisu sira Setór Públiku Administrativu nian.
2. Ba efeitu sira husi diploma ida-ne'e, órgaun no servisu sira Setór Públiku Administrativu nian fahe ba:
 - a) Servisu sira ne'ebé Laiha Autonomia Finanseira (SSAF – sigla ho lia-portugés);
 - b) Órgaun, Servisu no Fundu Autónomu sira (OSFA – sigla ho lia-portugés).

3. Servisu sira ne'ebé Laiha Autonomia Finanseira mak Gabinete Primeiru-Ministru, Ministériu sira, Sekretaria Estadu ne'ebé la integra iha Ministériu no órgaun no servisu sira Administrasaun nian.
4. Órgaun, Servisu no Fundu Autónomu sira mak servisu atu fó apoiu ba titulár husi órgaun soberania nian, órgaun no servisu sira ne'ebé iha autonomia finanseira tanba imperativu konstitusionál, órgaun no servisu sira Administrasaun Indireta nian, Fundu ba Infraestrutura, Fundu Dezenvolvimentu ba Kapítal Umanu, Fundu COVID-19 no Autoridade no Administrasaun Munisipál sira.
5. Setór husi Rejiaun Administrativa Espesiál Oe-Cusse Ambeno (RAEOA) no Setór Seguransa Sosiál nian iha rejime finanseiru rasik, ne'ebé laiha prejuízu ba regra prevista iha kapítulu II no III katak aplika ba Setór Públiku Administrativu tomak.
6. Lahó prejuízu husi saida mak previstu iha númeru uluk ne'e, tenke aplika ba RAEOA no Seguransa Sosiál regra prevista iha diploma ida-ne'e ba OSFA, ho ninia adaptasaun hirak ne'ebé nesesáriu, kuandu la kontráriu ba regra sira ne'ebé define husi Autoridade ba Rejiaun Administrativa Espesiál Oe-Cusse Ambeno no Institutu Nasionál ba Seguransa Sosiál (INSS), respetivamente, exetu kuandu ninia kontráriu sei previstu iha diploma ida-ne'e.

KAPÍTULU II

Sujeitu sira

Artigu 3.º

Responsável sira

1. Entidade competente atu ezejuta Orsamentu Jerál Estadu nian mak:
 - a) Membru Governu nian, ba orsamentu husi ninia Ministériu respetivu no Sekretaria Estadu ne'ebé la tama iha Ministériu;
 - b) Órgaun husi diresaun OSFA nian, ba sira nia orsamentu respetivu;
 - c) Diretór Ezekutivu INSS nian, ba orsamentu Seguransa Sosial nian;
 - d) Prezidente husi Autoridade ba Rejiaun Administrativa Espesiál Oe-Cusse Ambeno, ba orsamentu husi Rejiaun Administrativa Especial de Oe-Cusse Ambeno.

2. Membru Governu nian mak responsável atu ezekuta orsamentu husi sira nia respetivu gabinete.
3. Lahó prejúzu ba saida mak previstu iha n.º 1, membru Governu nian halo akompañamentu ba OSFA nia ezekusaun orsamentál ne'ebé tama iha Administrasaun Indireta tuir ámbitu husi ninia Ministériu respetivu ka Sekretaria Estadu nian ne'ebé la integra iha Ministériu.

Artigu 4.º

Delegasaun husi kompeténsia sira

Membru Governu nian bele delega, ho despaxu, ba dirijente ka dirijente sira responsável ba ezekusaun husi programa orsamentál sira, ka ba ema ho responsabilidade hanesan, iha ninia Ministériu ka iha Sekretaria Estadu nian ne'ebé la integra iha Ministériu, kompeténsia atu:

- a) Autoriza despeza no prosedimentu sira ba aprovizionamentu to'ó tempu previstu iha respetivu rejime jurídiku;
- b) Autoriza kabimentasaun husi despeza sira;
- c) Asina kontratu sira no foti kompromisu to'ó valór previstu iha respetivu rejime jurídiku;
- d) Halo validasaun ba Formuláriu Kompromisu Pagamentu (FCP - sigla ho lia-portugés), Orden Kompra, Pedidu Pagamentu no Orden Pagamentu sira;
- e) Aprova hala'ó pagamentu sira.

Artigu 5.º

Autorizasaun husi asinatura sira

1. Tuir prazu ho lora 10 hafoin entrada iha vigór husi diploma ida-ne'e, SSAF no OSFA tenke hato'ó ba Diresaun-Jerál Tezouru nian (DGT - sigla ho lia-portugés) informasaun kona-ba sira nia responsável sira, sira nia identifikasaun no respetiva espésime asinatura, no mós, ba responsável sira ho kompeténsia ne'ebé simu tuir delega kompeténsia, tenke apresenta kópia husi despaxu ne'e, tuir formuláriu iha aneksu I husi diploma ida-ne'e.
2. To'ó simu informasaun foun, tenke konsidera nu'udar representante lejítimu husi SSAF no OSFA mak responsável sira ne'ebé fó indikasaun ikus liu ba DGT.

3. SSAF no OSFA mantein lista ho espésime asinatura ofisiál nian ho autorizasaun husi membru Governu nian ka husi órgaun direasaun nian, ho efeitu prestasaun ba kontas.

KAPÍTULU III

Regra jerál sira

Artigu 6.º

Sistema informátiku

1. Utilizasaun husi Sistema Informátiku ba Jestaun Finanseira (SIGF - sigla ho lia-portugés) sei obrigatóriu ba prosedimentu hotu iha ezekusaun orsamentál SSAF nian, OSFA nian no RAEOA nian, ne'ebé inklui aprovizionamentu no jestaun ba kontratu sira, ho exesaun husi prosedimentu sira kona-ba seguransa nasional.
2. Setór Seguransa Sosiál utiliza ninia sistema informátiku rasik ba ezekusaun orsamentál, maibé ho garantia fó-sai informasaun regulár kona-ba ezekusaun orsamentál ba Ministériu Finansas.
3. Utilizasaun husi Sistema Informátiku ba Planeamentu, Monitorizasaun no Avaliasaun *Dalan ba Futuru Timor-Leste* (DBFTL) sei obrigatóriu atu ható'o relatóriu dezempeñu nian husi SSAAF, OSFA, RAEOA no SS.
4. SSAAF, OSFA, RAEOA no SS iha obrigasaun atu ható'o, iha sistema DBFTL, jeolokalizasaun (*GPS tracking coordinate*) husi projetu fíziku hotu, ne'ebé inklui atividade sira ba manutensaun no reabilitasaun, maski sira nia valór no kategoria orsamentál.

Artigu 7.º

Kontabilidade

Ezekusaun orsamentál bazeia iha ezekuasaun ho osan (*cash*) no ba kobransa husi reseita no pagamentu ne'ebé hala'o to'o tinan nia rohan.

Artigu 8.º

Planu Kontas

1. Klasifikasaun ba reseita, despeza, ativu no pasivu sira SSAF nian, OSFA nian no RAEOA nian hala'ó tuir akordu ho Planu Kontas ne'ebé Ministru Finansas aprova ona.
2. Klasifikasaun ba reseita, despeza, ativu no pasivu sira SSAF nian, OSFA nian no RAEOA nian hala'ó tuir akordu ho Planu Kontas Seguransa Sosiál nian ne'ebé INSS prepara ona.

Artigu 9.º

Taka ezersísiu orsamentál

1. Ezersísiu orsamentál husi tinan 2021 remata iha loron 31 fulan-dezemburu tinan 2021 nian.
2. Kompromisu sira hotu tenke rejista iha SIGF to'ó loron 17 fulan-dezemburu tinan 2021 nian, ho exesaun ba kazu hirak ne'ebé hetan justifikasaun no aprovasaun husi Ministériu Finansas.
3. Tenke apresenta pedidu pagamentu hotu to'ó loron 23 fulan-dezemburu tinan 2021 nian, ho exesaun ba kazu hirak ne'ebé hetan justifikasaun no aprovasaun husi Ministériu Finansas.
4. Tenke hala'ó pagamentu hotu to'ó loron 31 fulan-dezemburu tinan 2021 nian, ho exesaun ba kazu hirak ne'ebé hetan justifikasaun no aprovasaun husi Ministériu Finansas.
5. Saldu hotu husi fundu manei ka adiantamentu sira tenke depozita fali iha konta bankária Estadu nian iha Banku Sentrál Timor-Leste, husi iha-ne'ebé mak halo pagamentu, to'ó loron 15 fulan-janeiru tinan 2022 nian.
6. Iha RAEOA no SS bele rejista kompromisu no pedidu pagamentu sira to'ó loron 28 fulan-dezemburu tinan 2021 nian no bele rejista kobransa ba reseita sira to'ó loron 30 fulan-dezemburu tinan 2021 nian.

Artigu 10.º

Relatóriu no monitorizasaun

1. SSAAF, OSFA, RAEOA no SS hato'ó ba DGT relatóriu mensál kona-ba ezekusaun orsamentál, to'ó loron 15 fulan tuir mai, ho valór mensál no valór akumuladu:
 - a) Husi likidasaun ba reseita;
 - b) Husi kobransa ba reseita;
 - c) Husi kompromisu sira ne'ebé foti;

- d) Husi pagamentu sira ne'ebé hala'ó;
 - e) Husi fundu disponível;
 - f) Kuandu sai titulár husi konta bankária sira, kona-ba valór ne'ebé depozita.
2. SSAAF, OSFA, RAEOA no SS ható'o, liuhusi sistema DBFTL, relatóriu trimestráil, to'o loron 17 fulan hafoin remata trimestre, kona-ba dezempeñu husi sira nia programa orsamentál sira, tuir indikadór no meta sira, no relatóriu ida kona-ba subvensaun públika konsedida, ho identifikasaun husi benefisiáriu sira, dezagregadu tuir seksu, no ho valór hira mak sira simu.
 3. SS nia relatóriu sira, ne'ebé ható'o iha númeru sira iha leten, tenke inklui elementu sira tuir mai:
 - a) Mapa detalladu ho espezifikaun husi prestasaun sosiál no despeza sira seluk no sira nia fonte finansiamentu respetivu;
 - b) Relatóriu dezempeñu nian, ne'ebé inklui dados fízikus kona-ba númeru benefisiáriu iha prestasaun sosiál idaidak no ho númeru kontribuinte sira iha sistema.
 4. SSAAF, OSFA, RAEOA no SS ható'o ba DGT, ho prazu loron 30 ne'ebé hahú sura hafoin remata semestre idaidak:
 - a) Relatóriu husi dívida la finanseira ne'ebé iha, ho identifikasaun kona-ba valór no fornecedor sira;
 - b) Relatóriu ida ho lista kona-ba sira nia patrimóniu imobiliáriu no imóvel hotu, hamutuk ho, se karik bele, valór patrimoniál husi imóvel idaidak.
 5. SSAAF, OSFA, RAEOA no SS ható'o iha kada fulan, to'o loron 10 iha fulan idaidak, ba DGT sira nia kontratu ezekeusaun kompletu ba obras públikas ne'ebé selebra iha fulan foin liu, hamutuk ho relatóriu progresu fíziku obras nian kona-ba obras hotu iha prosesu ezekeusaun ka ne'ebé remata iha fulan foin liu no kona-ba empreitada sira ho finansiamentu husi transferénsia públika sira ne'ebé halo rasik, atu publika iha portál aprovizionamentu no iha portál ho rezultadu Governu nian.
 6. Ministériu Finanzas prepara lista ida ho órgaun no servisu sira ne'ebé la kumpre obrigasaun sira previstu iha artigu ida-ne'e, loron 15 hafoin data prevista iha númeru sira iha leten.

Artigu 11.º

Arkivu ba registu finanseiru

1. SSAAF, OSFA, RAEOA no SS mantein arkivu fíziku no dijital kona-ba operasaun hotu iha ezelesaun orsamentál.
2. SSAAF, OSFA, RAEOA no SS bele elimina registu sira ne'ebé liu tinan hitu, se karik nesesáriu, no molok halo ida-ne'e tenke notifika DGT, Câmara de Contas husi Tribunál Superiór Administrativu, Fiskál no Kontas nian no Komisaun Anti-Korupsaun, molok loron 90 husi data prevista atu elimina registu hirak ne'e.

Artigu 12.º

Publisidade

1. Ministériu Finansas prepara no publika iha ninia portál eletróniku no haruka ba Parlamentu Nasionál, iha kada trimestre, to'ó fulan nia rohan hafoin remata trimestre, relatóriu ida kona-ba ezelesaun orsamentál Setór Públiku Administrativu nian.
2. Ministériu Finansas prepara no publika iha ninia portál eletróniku no haruka ba Parlamentu Nasionál, iha kada fulan, to'ó fulan tuir mai nia rohan, rezumu ida kona-ba ezelesaun orsamentál Setór Públiku Administrativu nian.
3. UPMA, publika iha kada trimestre, liuhusi sistema informátiku DBFTL nian, relatóriu dezempeñu Setór Públiku Administrativu nian.

KAPÍTULU IV

Reseita

Artigu 13.º

Kobransa ba reseita

1. SSAF no OSFA tenke depozita loroloron ninia kobransa ba reseita iha konta bankária ho autorizasaun, tuir ninia valór tomak, iha-ne'ebé labele hasai kualkér valór kona-ba despeza husi kobransa ka kualkér tipu seluk.
2. SSAF no OSFA ne'ebé halo kobransa ba reseita tenke mantein livru registu ho reseita (*cash book*) ho sertifikasaun husi responsável máksimu ba área finanseira.

3. SSAF no OSFA ne'ebé halo kobransa ba reseita sira tenke emite ba kontribuinte ka ba utilizadór, resibu ida tuir termu sira ne'ebé aprova ona, ho numerasaun prévia no hamutuk númeru ho sekuénsia impresu iha livru ho resibu sira katak DGT mak prodúz.
4. Númeru iha leten la aplika ba SSAF no OSFA ne'ebé utiliza sistema informátiku atu halo emisaun no rejista númeru husi resibu automatiku, ho numerasaun prévia no sekuénsial.
5. Kona-ba kobransa ba reseita sira iha fatin do'ok, do'ok loos ka do'ok tebes, tenke halo ninia depóztu iha kada semana ka hafoin atinje valór total ho USD \$5.000,00 (rihun lima dólar amerikanu).
6. Kobransa ba reseita iha RAEOA no SS tuir regra sira husi Autoridade Rejiaun Administrativa Espesial Oe-Cusse Ambeno no husi SS, respetivamente.

Artigu 14.º

Rejistu ba reseita

1. Tenke klasifika no hatama iha SIGF kobransa ba reseita tomak, konforme formuláriu aneksu II nian iha diploma ida-ne'e.
2. SSAF no OSFA tenke haruka ba DGT, durante loron 15 husi fulan tuir mai, kópia rekonsiliaun nian hamutuk ho dokumentu hotu kobransa nian no komprovativu ba depóztu sira, no mós informasaun kona-ba kualkér valór likidadu, maibé ne'ebé la selu.
3. DGT husu loroloron extratu bankáriu ida ba BCTL no ba banku komersial sira kona-ba konta sira hotu SSAF nian no OSFA nian atu halo rekonsiliaun ba reseita sira.
4. SSAF no OSFA haruka rekonsiliaun kontas nian ba DGT iha fulan tuir mai remata kada trimestre, no trimestre dahaat tenke haruka to'o fulan-fevereiru tinan 2021.

KAPÍTULU V

Tezouraria

Artigu 15.º

Konta bankária sira

1. Autorizasaun atu loke konta bankária ba SSAF no OSFA tenke tuir termu sira husi artigu 15.º iha Lei n.º 13/2009, lora 21 fulan-outubru, ho alterasaun tuir Lei n.º 9/2011, lora 17 fulan-agostu, no husi Lei n.º 3/2013, lora 7 fulan-agostu.
2. SSAF no OSFA nia subkonta bankária tenke halo rekonsiliaun to'o lora 31 fulan-janeiru tinan 2022.

Artigu 16.º

Libertasaun husi kréditu no verba sira

1. Ministériu Finansas halo libertasaun ba kréditu no verba sira husi Orsamentu Jerál Estadu nian ba SSAF, OSFA, RAEOA no SS atu aplika nu'udar despeza.
2. Libertasaun ba kréditu no verba sira husi Orsamentu Jerál Estadu nian ba SSAF no OSFA bazeia ba nesesidade hirak kaixa nian atu atende rekizitu ezekusaun orsamentál nian, liuhusi Avizu Autorizasaun ba Despeza.
3. Tezouru mak halo transferénsia verba sira ba RAEOA no SS tuir duodésimus ho periodisidade trimestrál.

Artigu 17.º

Avizu husi Autorizasaun ba Despeza

1. SIGF halo atualizasaun automatika kona-ba Avizu Autorizasaun ba Despeza ba tinan 2021 apár ho kritériu sira tuir mai:
 - a) Saláriu no Vensimentu sira: 25% husi dotasaun orijinál, tuir trimestre, exetu ba servisu perifériku iha Ministériu Negósius Estranjeirus no Kooperasaun, ne'ebé korresponde ba totalidade husi dotasaun orijinál;
 - b) Bens no Servisu sira: 25% husi dotasaun orijinál tuir trimestre;
 - c) Transferénsia Públika sira: 50% husi dotasaun orijinál tuir trimestre;
 - d) Kapitál Menór: 100% husi dotasaun orijinál;
 - e) Kapitál Dezenvolvimentu nian: 100% husi dotasaun orijinál.
2. Avizu Autorizasaun ba Despeza kona-ba Bens no Servisu sira bele liu limite previstu iha númeru iha leten kuandu halo kabimentasaun ba despeza ho valór superiór iha trimestre ka semestre.

3. Valór husi Avizu Autorizasaun ba Despeza sira korresponde ba dotasaun prevista iha Orsamentu Jerál Estadu nian ne'ebé hamenus husi valór reseita rasik nian previstu iha-ne'ebá.
4. Alende ida-ne'e, iha valór husi Avizu Autorizasaun ba Despeza sira mós tenke hamenus valór iha saldu jerénsia nian ne'ebé tranzita, no tan, se karik bele aplika, valór husi reseita rasik ho kobransa boot liu duké reseita prevista iha Orsamentu Jerál Estadu nian.

Artigu 18.º

Saldu jerénsia nian

1. Verba sira SSAF no OSFA nian ne'ebé la utiliza to'ó tinan finanseiru nia rohan tenke transfere fali ba Tezouru.
2. Saldu atu jere Fundu ba Infraestrutura, Fundu Dezenvolvimentu Kapitál Umanu (FDCH - sigla ho lia-portugés) no Fundu COVID-19 tranzita ba ezersísiu orsamentál tuir mai.

KAPÍTULU VI

Despeza

Artigu 19.º

Prosesu ezelesaun ba despeza

Atu halo despeza tenke tuir orden husi hakat hirak tuir mai:

- a) Halo autorizasaun ba despeza, ne'ebé inklui autorizasaun ba aprovizionamentu, kuandu bele aplika;
- b) Halo kabimentasaun no foti kompromisu;
- c) Halo autorizasaun ba pagamentu, ne'ebé inklui likidasaun ba despeza;
- d) Hala'ó pagamentu.

Artigu 20.º

Autorizasaun husi despeza

1. Despeza tomak husi SSAF, OSFA, RAEOA no Setór Seguransa Sosiál nian tenke hetan autorizasaun prévia husi sira nia respetivu órgaun direasaun.
2. Se karik despeza ne'e mak atu halo prosedimentu aprovizionamentu nian, entaun bele foti autorizasaun ba despeza iha tempu hanesan ho autorizasaun atu hahú prosedimentu ida-ne'e, exetu kuandu órgaun ida seluk mak iha kompeténsia ida-ne'e.

Artigu 21.º

Aprovizionamentu

1. Atu hahú prosesu aprovizionamentu depende husi autorizasaun ba ninia respetiva despeza, no la presiza emisaun husi FCP.
2. Obrigatóriu hala'ó prosesu aprovizionamentu hodi ezekuta despeza sira ba bens no servisu sira, ba kapitál menór no ba kapitál dezvoltamentu.
3. Utlizasaun husi prosedimentu ba aprovizionamentu ho ajuste diretu depende ba kumprimentu husi norma legál sira kona-ba ninia admisaun previstu iha Rejime Jurídiku ba Aprovizionamentu, iha-ne'ebé servisu mak tenke halo fundamentasaun klara kona-ba utilizasaun ba prosedimentu hanesan-ne'e.

Artigu 22.º

Kabimentasaun

1. Kabimentasaun orsamentál signífika hatene se karik valór husi despeza ruma sei hanesan ka menus duké valór ne'ebé la utiliza iha dotasaun orsamentál respetiva no, se karik akontese, tenke hamenus valór husi despeza ne'ebé sei atu halo husi saldu iha dotasaun orsamentál respetiva.
2. Tenka halo kabimentasaun molok foti kompromisu, no labele asina kontratu ho despeza ne'ebé laiha kabimentu orsamentál.
3. Kabimentasaun hala'ó liuhusi emisaun husi FCP no SIGF, iha-ne'ebé identifika atividade, tuir planu anuál no programa orsamentál sira, no ho valór husi despeza ne'ebé sei atu halo, hamutuk ho deskrisaun detallada ida kona-ba despeza, hanesan spesifikasaun téknika detallada kona-ba sasán, servisu ka obra.
4. Labele halo frasionamentu husi despeza ida ba FCP barak ho objetivu hale'ú regra sira kona-ba autorizasaun ba despeza.

Artigu 23.º

Kabimentasaun ba kompromisu plurianuál

1. Kompromisu plurianuál mak hanesan despeza ida ne'ebé presiza selu durante tinan finanseiru barak ka iha tinan finanseiru la hanesan tinan ne'ebé foti kompromisu atu halo despeza ida-ne'e.
2. Se karik despeza inklui pagamentu sira atu selu iha tinan finanseiru sira seluk alende tinan 2021, entaun kabimentu ne'e refere de'it ba valór atu selu iha tinan 2021.
3. Se karik despeza inklui de'it pagamentu sira iha tinan finanseiru sira ne'ebé la'os tinan 2021, tenke halo kabimentu ho valór USD \$1,00 (dólar amerikanu ida).
4. Ba valór pagamentu nian atu halo iha tinan 2021, tuir kompromisu plurianuál ne'ebé foti tiha ona iha tinan foin liubá, tenke halo kabimentasaun to'o loron 31 fulan-janeiru.
5. FCP kona-ba kompromisu plurianuál ida tenke identifika pagamentu atu hala'o iha tinan finanseiru tuir mai, ho ninia tinan no valór.

Artigu 24.º

Foti kompromissu

Bele foti kompromisu:

- a) Lihusi asina kontratu ida, ba despeza ne'ebé presiza iha kontratu;
- b) Lihusi likidasaun ba despeza no autorizasaun ba pagamentu, ba despeza sira ne'ebé mosu husi lei, direitu internasionál ka desizaun judisiál.

Artigu 25.º

Autorizasaun ba pagamentu

1. Pagamentu hotu husi SSAF, OSFA, RAEOA no Setór Seguransa Sosiál tenke hetan autorizasaun prévia husi sira nia respetivu órgaun direisaun.
2. Molok hatama pagamentu ba autorizasaun, SSAF, OSFA, RAEOA no Setór Seguransa Sosiál tenke halo likidasaun ba despeza, ne'ebé inklui hato'o obligasaun no prazu pagamentu nian, halo identifikasaun ba benefisiáriu, halo verifikasaun husi benefisiáriu

nia direitu no hato'ó valór loloos kona-ba ninia pagamentu, ne'ebé bazeia ba retensaun iha fonte impostu no kontribuisaun sira prevista iha lei.

Artigu 26.º

Retensaun iha fonte

1. Kualkér pagamentu husi SSAF, OSFA, RAEOA no SS tenke iha impostu no kontribuisaun sira ne'ebé previstu iha lei.
2. SSAF, OSFA, RAEOA no SS tenke kalkula valór retensaun iha fonte impostu nian no husi kontribuisaun sira previstu iha lei ba pagamentu idaidak.
3. DGT, no mós SSAF, OSFA, RAEOA no SS kuandu sira ne'e mak halo pagamentu, tenke depozita valór retidu iha konta Tezouru no iha konta husi entidade jстора Seguransa Sosiál nian iha Banku Sentrá, respetivamente.
4. Kualkér pagamentu ne'ebé iha relasaun ho atividade sira ne'ebé dezenvolve iha Timor-Leste tenke halo retensaun iha fonte ho valór:
 - a) 2% husi valór ba servisu konstrusaun ka edifikasaun;
 - b) 4% husi valór ba servisu konsultoria iha área konstrusaun nian;
 - c) 2,64% husi valór ba servisu transporte liuhusi via aérea ka marítima;
 - d) 4,5% husi valór ba atividade mineira ka servisu apoiu ba esplorasaun mineira.
5. Kualkér pagamentu ne'ebé iha relasaun ho arrendamentu ba rai ka edifísiu tenke halo retensaun iha fonte ho 10% husi ninia valór.
6. Kualkér pagamentu husi rendimentu ne'ebé ema la rezidente simu iha Timor-Leste ho relasaun komersiál tenke halo retensaun iha fonte ho 10% husi ninia valór.
7. Kualkér pagamentu ne'ebé iha relasaun ho prestasaun servisu subordinadu tenke halo retensaun ho valór:
 - a) 10% husi valór ne'ebé liu USD\$ 500, ba traballadór rezidente, ka 10% husi valór total, ba traballadór la rezidente, tanba impostu ba saláriu sira;
 - b) 4% husi valór total, ho limite USD \$600 ba traballadór kontratadu ho termu loloos, tanba kontribuisaun ne'ebé traballadór mak responsável atu selu ba Rejime Kontributivu Seguransa Sosial nian.

8. Informasaun ne'ebé apresenta iha númeru iha leten, la hasees obrigasaun husi SSAF, OSFA, RAEOA no SS atu konsulta Lei Tributária, ne'ebé aprova iha Lei n.º 8/2008, husi loron 30 fulan-juñu, no Rejime Inskrisaun no Obrigasaun Kontributiva iha Âmbitu Rejime Kontributivu ba Seguransa Sosiál, ne'ebé aprova ho Dekretu-Lei n.º 27/2017, loron 24 fulan-maiu.

Artigu 27.º

Hala'ó pagamentu

1. Entidade responsável atu hala'ó pagamentu mak:
 - a) DGT ba despeza sira SSAF nian, no mós ba pagamentu remunerasaun ba OSFA nia traballadór sira;
 - b) SSAF ba sira nia despeza rasik ne'ebé bazeia ba Fundu Maneiu no iha Adiantamentu husi caixa;
 - c) OSFA ba sira nia despeza rasik ho exesaun husi pagamentu remunerasaun ba sira nia traballadór sira;
 - d) RAEOA ba ninia despeza rasik;
 - e) INSS ba SS nia despeza sira.
2. SSAF solisita hala'ó pagamentu DGT nian liuhusi prienxe *Payment Request Ticket* (PRT) iha SIGF, hodi prodús dokumentu despeza ida (voucher).
3. Hafoin SSAF halo verifikasaun ba voucher despeza nian, DGT bele prosesa pagamentu liuhusi orden pagamentu nian.
4. Responsável máksimu iha SSAF nia área finanseira mak iha obrigasaun atu verifica no sertifika pedidu pagamentu sira.
5. Pedidu pagamentu nian tenke iha uluk ninia kabimentasaun no tenke akompaña ho dokumentasaun ne'ebé ezije tuir termu sira iha lei no iha aneksu III husi diploma ida-ne'e, ho identifikasaun kona-ba atividade apár ho planu anuál.
6. SSAF no OSFA rejista fatura hotu ne'ebé simu husi fornecedor sira iha sistema *Invoice Tracking*.
7. Pedidu pagamentu kona-ba kontratu sira ho valór ne'ebé liu USD \$5.000.000,00 (millaun lima dólar amerikanu) tenke iha mós kópia kontratu nian no vistu préviu husi Câmara de

Contas, ho exesaun ba pedidu pagamentu nian mak prodús efeitu ho baze ba artigo 34.º iha Lei n.º 9/2011, loron 17 fulan-agostu, ho aprovasaun husi Orgánika Câmara de Contas Tribunál Superiór Administrativu, Fiskál no Kontas nian, tuir alterasaun ho Lei n.º 3/2013, loron 7 fulan-agostu, iha-ne'ebé tenke hato'o iha pedidu aplikasaun ba exesaun no kompromisu atu apresenta pedidu ba vistu tuir prazu legál.

8. Kona-ba kestaun hirak ne'ebé iha relasaun ho seguransa nasional no defeza nian, ho investigasaun kriminal no ho servisu intelijénsia nian, ninia fundamentasaun kontein ninia informasaun nesesária, ho apresentasaun prévia husi órgaun direasaun SSAF nian ba Primeiru-Ministru no ho ninia aprovasaun, hodi halo ninia rejistu iha SIGF no atu arkiva hamutuk sira nia justifikasaun ba despeza, ne'ebé laiha publikasaun.
9. Tenke apresenta pagamentu ne'ebé halo ho Fundu Maneiu ba prosesamentu tuir formuláriu iha aneksu IV husi diploma ida-ne'e.
10. Kuandu iha retensaun tanba prestasaun ba garantia ezekusaun ka qualidade nian, pedidu pagamentu tenke refere loloos ninia valór retensaun no tenke rejista informasaun ida-ne'e iha SIGF atu halo reembolsu iha tempu oin mai.
11. SSAF nia pedidu pagamentu ho klasifikasaun urjente tenke tama iha DGT loron rua (2) molok data ba ninia pagamentu.
12. SSAF, molok hatama pedidu pagamentu nian ho valór liu USD \$1.000.000,00 (millaun ida dólar amerikano), tenke notifika DGT, ho antesedénsia pelomenus fulan ida, exetu kuandu iha justifikasaun diak no ho autorizasaun husi Ministru Finansas.
13. Tenke halo pagamentu liuhusi transferénsia ba beneficiáriu sira nia konta bankária.
14. Dokumentu sira husi pagamentu orijinál ba pedidu pagamentu idaidak tenke iha assinatura, halo dijitalizasaun no hatama nu'udar aneksu ba pedidu pagamentu iha SIGF.
15. SSAF mantein kópia husi pedidu pagamentu no husi dokumentu apoiu nian, hodi bele apresenta iha auditoria.
16. Ba OSFA nia pagamentu sira tenke aplika regra hotu ne'ebé previstu iha artigo ida-ne'e, ho ninia adaptasaun nesesária, no iha artigo tuir mai.

Artigo 28.º

Saláriu no Vensimentu sira

1. DGT halo pagamentu mensál ba remunerasaun traballadór SSAF nian no OSFA nian.

2. Likidasaun ba remunerasaun husi traballadór SSAF nian no OSFA nian, iha kualkér kategoria ne'ebé hatama verba sira, hala'ó ho sistema *Payroll*.
3. SSAF no OSFA haruka ba DGT iha kada fulan, to'o lora 12 husi kada fulan, informasaun atualizada kona-ba situasaun servisu traballadór nian, ninia remunerasaun, ne'ebé inklui kualkér suplementu, ninia asiduidade, inklui kanselamentu, falta, lisensa, deskontu, progresaun no promosaun iha karrera no estinsaun husi kontratu sira, no mantein iha arkivu dokumentu orijinal hotu ho referénsia kona-ba buat ne'e.
4. Bainhira bele, SSAF no OSFA halo koordenasaun ho Komisaun Funsan Públika nian, molok haruka informasaun ba DGT, hodi halibur informasaun atualizada kona-ba ninia traballadór sira, espesífiku liu ba progresaun no promosaun iha karreira, ba nomeasaun iha kargu direasaun no xefia, iha aplikasaun ba sansaun disiplinár no asuntu sira seluk ne'ebé kompeténsia husi Komisaun Funsan Públika nian.
5. DGT haruka infomasaun ne'ebé simu ba INSS, to'o lora 30 husi kada fulan.
6. Se karik DGT simu de'it informasaun hafoin data nia previzaun, entaun tenke halo ninia ajustamentu iha pagamentu saláriu nian iha fulan tuir mai.
7. Se karik iha atrazu durante komunikasaun ba informasaun ne'ebé bele hakotu direitu ba pagamentu remunerasaun nian, SSAF no OSFA, hamutuk ho kolaborasaun husi Komisaun Funsan Públika nian, iha obrigasaun atu promove repozisaun ba remunerasaun ilejítima ne'ebé selu ona.
8. DGT haruka iha kada fulan ba SSAF no OSFA relatóriu verifikasaun husi pagamentu ba saláriu sira atu sira bele hala'ó rekonsiliaun no atualizasaun ba ajustamentu ruma.
9. Ba efeitu husi ezekusaun orsamentál ba saláriu no vensimentu sira, DGT halo de'it koordenasaun ba ninia atividade ho unidade orgánika responsável ba rekursus umanus ne'ebé ba efeitu ida-ne'e hetan indikasaun husi SSAF no OSFA.
10. SSAF no OSFA mak iha kompeténsia atu verifika se iha ka lae kabimentasaun orsamentál ba pagamentu saláriu no suplementu sira, molok halo ninia prosesamentu.
11. Se karik dotasaun sei insuficiente ba pagamentu husi remunerasaun sira, entaun SSAF no OSFA tenke halo ninia alterasaun iha respetivu orsamentu hodi haforsa dotasaun iha kategoria saláriu no vensimentu sira ka iha bens no servisu, konforme bele aplika, no se karik ida-ne'e la posível, tenke halo alterasaun ba respetivu mapa pesoál entre divizaun sira iha instituisaun hanesan, no tenke hato'o ba DGT to'o lora 15 fulan-dezemburu tinan 2021.

12. Pagamentu ba saláriu no vensimentu sira hala'ó liuhusi transferénsia ba benefisiáriu nia konta bankária.
13. RAEOA mak halo pagamentu ba remunerasaun husi traballadór sira iha ninia servisu.
14. Seguransa Sosiál mak halo pagamentu ba remunerasaun husi traballadór sira ne'ebé servisu iha INSS no FRSS.

Artigu 29.º

Bens no Servisu sira

1. Pagamentu sira ne'ebé iha relasaun ho kategoria bens no servisu sira tenke respeita planu anuál no planu aprovizionamentu.
2. Bele de'it halo pagamentu sira hafoin verifika efetiva prestasaun ba servisu ka entrega ba bens husi SSAF ka husi OSFA, tuir ninia kontratu, orden kompra, fatura, no ho identifikasaun ba atividade.
3. Fatura inklui fornecedor nia naran ba bens ka prestador servisu nian.
4. Tenke apresenta pedidu pagamentu ba remunerasaun sira ho kontrapartida iha dotasaun ba kategoria despeza ba bens no servisu sira to'ó loron 15 iha kada fulan no prosesamentu no pagamentu hala'ó iha fulan nia laran.
5. Pedidu pagamentu nian refere ba loron servisu hira ne'ebé halo servisu efetivu, no pagamentu ba remunerasaun sira liuhusi rubrika bens no servisu sira kona-ba loron servisu ne'ebé halo servisu efetivu, hafoin loron 15 husi kada fulan tenke konsidera ba efeito pagamentu iha fulan tuir mai fulan ne'ebé hala'ó servisu ne'e.
6. SSAF no OSFA tenke apresenta iha kada fulan ba DGT ninia lista atualizada husi kontratu ho asesór no konsultór, nasional no internacional, iha fixeiru eletróniku ho formatu Microsoft Excel.
7. Asinatura husi kontratu sira kona-ba servisu ki'ik ba reparasaun, manutensaun no rehabilitasaun edifísiu nian ka konstrusaun sira seluk, iha kategoria Bens no Servisu sira, la presiza ADN nia verifikasaun prévia ba folin unitáriu no globál.
8. Pagamentu sira kona-ba servisu ki'ik ba reparasaun, manutensaun no rehabilitasaun edifísiu nian ka konstrusaun sira seluk ho valór liu USD \$50.000,00 (rihun limanulu dólar amerikanu) presiza iha sertifikasaun prévia ba qualidade no konformidade husi ADN.

9. Pagamentu sira kona-ba servisu ki'ik ba reparasaun no manutensaun no edifísiu nian ka konstrusaun sira seluk liuhusi kontratu ho valór liu USD \$50.000,00 (rihun limanulu dólar amerikanu) presiza iha sertifikasaun ba qualidade no konformidade no rekomendasaun vinkulativa pagamentu nian husi Ajénsia Dezenvolvimentu Nasionál.
10. Pagamentu sira kona-ba servisu ki'ik ba reparasaun no manutensaun iha kategoria Bens no Servisu sira liuhusi kontratu ho valór ne'ebé la liu USD \$50.000,00 (rihun limanulu dólar amerikanu) presiza iha sertifikasaun prévia husi unidade orgánika responsável ba manutensaun ka ba lojística SSAF nian ka OSFA nian mak apresenta pedidu, enkuantu valór boot liu tenke iha sertifikasaun prévia husi Ajénsia Dezenvolvimentu Nasionál (ADN).
11. Bele halo pagamentu sira maski kontratu remata ona, se karik halo sertifikasaun husi traballu sira nia ezekusaun no ba ninia qualidade no konformidade.
12. Pedidu pagamentu nian husi "Quotas Membru iha Organizasaun Internasionál nian" no husi "Kontrapartida sira" haruka ba DGT, liuhusi Ministériu Negósius Estranjeirus no Kooperasaun, hamutuk ho ninia respetivu instrumentu adezaun, kontratu, akordu internasionál ka paresér husi Ministru Negósius Estranjeirus no Kooperasaun ne'ebé atu rekomena prosesu pagamentu tanba obrigasaun husi Direitu Internasionál.
13. Pedidu pagamentu nian kona-ba manutensaun husi veíkulu SSAF nian no OSFA nian ne'ebé hola parte iha "Ofisina Governu nian" tenke iha mós rekomendasaun husi ninia "Ofisina ba Manutensaun husi Veíkulu Governu nian".

Artigu 30.º

Transferénsia Públika sira

1. Ba pedidu pagamentu nian ba transferénsia públika sira tenke aplika regra sira previstu iha Dekretu Governu nian n.º 1/2009, lora 18 fulan-febreiru, maski la aplika ba verba sira ne'ebé iha relasaun ho transferénsia sira entre Orsamentu Jerál Estadu nian ba Orsamentu RAEOA nian ka ba Orsamentu Seguransa Sosiál nian, ba entidade husi Setór Públiku Administrativu mak la inklui iha Orsamentu Jerál Estadu nian, ka ba prestasaun sosiál sira previstu iha lei.
2. Ema koletiva ne'ebé laiha fins lukrativu hanesan benefisiáriu ba subvensaun públika sira tenke halo rejsitu iha Ministériu Justisa, tuir termu iha Dekretu-lei n.º 5/2005, lora 7 fulan-setembru, kona-ba Ema Koletiva ne'ebé laiha Fins Lukrativu.

3. La'os ho prejúzu ba saida mak dispostu iha número leten nian, bele fó subvensaun públika kuandu laiha rejistu, ba kazu sira tuir mai:
 - a) Kuandu benefisiáriu subvensaun nian mak grupu komunitáriu ka hanesan asosiasaun ne'ebé laiha personalidade jurídika, entaun presiza nomeia responsável ida atu selebra kontratu no atu ezejuta subvensaun públika;
 - b) Kuandu benefisiáriu subvensaun nian mak estabelesimentu edukasaun no ensinu ka entidade seluk tan rekoñesida husi Ministériu Edukasaun, Juventude no Desportu atu fornese edukasaun no ensinu ekivalente;
 - c) Kuandu benefisiáriu mak entidade estranjeira, organizasaun internasionál ka entidade hanesan, iha-ne'ebé ezijénsia sira ba benefísiu husi subvensaun tuir Memorandu Entendimentu, Akordu ka Rezolusaun Governu nian ne'ebé prepara ka aprova ba efeitu ne'e.
4. Pagamentu hotu ba subvensaun públika sira bazeia ba Planu Anuál, tuir ninia nível programa no atividade no ba akordu ne'ebé selebra entre SSAF ka OSFA, no entidade benefisiária ba subvensaun públika.
5. SSAF ka OSFA tenke avalia projetu sira atu hetan subvensaun no garante katak projetu hirak ne'e sei hala'ó ba interesse jerál no respeita kritériu sira previstu iha Dekretu Governu n.º 1/2009, lora 18 fulan-fevereiru.
6. Pagamentu ba despeza sira ne'ebé iha relasaun ho tratamentu médiku iha rain liur, previstu iha lei, hala'ó liuhusi kategoria ba transferénsia públika sira, ne'ebé tama iha akordu, memorandu entendimentu ka instrumentu seluk tan adekuaudu liu mak inklui tratamentu médiku.
7. Asinatura ba kontratu subvensaun públika nian ne'ebé refere ba projetu ka servisu iha konstrusaun sivil ho valór liu USD \$50.000,00 (rihun limanulu dólar amerikano) no ADN la presiza halo verifikasaun prévia ba folin unitáriu ka globál.
8. Pagamentu sira kona-ba projetu ka servisu sira konstrusaun sivil nian ho valór liu USD \$50.000,00 (rihun limanulu dólar amerikano) presiza iha sertifikasaun prévia ba qualidade no konformidade ADN nian.
9. Pedidu pagamentu nian ba subvensaun públika kona-ba projetu konstrusaun sivil nian ho valór liu USD \$50.000,00 (rihun limanulu dólar amerikano) presiza iha sertifikasaun ba qualidade no konformidade, no mós rekomendasaun vinkulativa pagamentu nian no paresér préviu husi Ajénsia Dezenvolvimentu Nasionál.

10. Bele hala'ó pagamentu sira maski kontratu remata ona, kuandu halo sertifikasaun ba ezekusaun husi servisu sira no ba sira nia qualidade no konformidade.
11. Relatóriu trimestráil ba ezekusaun subvensaun sira tenke identifika programa, projetu, atividade no ninia valór, destinatáriu no beneficiáriu sira, dezagregadu tuir munisípiu, no tenke inklui avaliasaun ida kona-ba rezultadu sira.
12. Proibidu ba beneficiáriu sira utiliza verba sira ne'ebé selu liuhusi subvensaun públika ba akizasaun husi veikulu.

Artigu 31.º

Kapital Menór

1. Pagamentu sira ne'ebé iha relasaun ho kategoria kapital menór tenke respeita planu anuál no planu aprovizionamentu.
2. Bele de'it halo pagamentu sira hafoin SSAF ka OSFA simu ona bens, no hafoin halo ninia rejistu iha Patrimóniu Estadu nian, iha sistema *Asset Module*, no hatama nu'udar aneksu ninia komprovativu ba rejistu iha sistema GRP nian, no apresenta relatóriu resebimentu no inspesaun nian.

Artigu 32.º

Kapital Dezenvolvimentu

1. Pagamentu hotu ne'ebé iha relasaun ho kategoria kapital dezenvolvimentu nian tenke tuir konformidade ho Planu Anuál no Planu Aprovizionamentu.
2. Molok hala'ó kualkér prosesu aprovizionamentu ne'ebé iha relasaun ho kategoria kapital dezenvolvimentu nian, SSAF no OSFA sira tenke haruka projetu sira, termu referénsia, estimativa kona-ba folin unitáriu no globál ba avaliasaun no kontrolu préviu husi ADN.
3. Avaliasaun no kontrolu préviu previstu iha número leten nian labele aplika ba kontratu ezekusaun husi obras públicas iha Planeamentu no Dezenvolvimentu Integradu Munisipál (PDIM- sigla ho lia-portugés).
4. Atu hala'ó kualkér pagamentu presiza iha sertifikasaun prévia ba qualidade no konformidade husi ADN.

5. Bele de'it hala'ó pagamentu sira ne'ebé bazeia ba relasaun kontratuál no kuandu iha sertifikasaun ba qualidade no konformidade no ho rekomendasauñ vinkulativa pagamentu nian.
6. Bele hala'ó pagamentu sira maski kontratu remata ona, kuandu halo sertifikasaun ba ezekusaun husi servisu sira no ba sira nia qualidade no konformidade.
7. Ita konsidera nu'udar despeza ba Kapitál Dezenvolvimentu mak pagamentu diretu sira ba benefisiáriu indemnizasaun nian tanba espropriasauñ no ba dezenvolvimentu husi projetu sira mak iha finansiamentu ho kontrapartida iha dotasaun ba despeza iha kategoria Kapitál Dezenvolvimentu nian.

Artigu 33.º

Fundu Dezenvolvimentu Kapitál Umanu

1. Sekretariadu Tékniku ba Fundu Dezenvolvimentu Kapitál Umanu (STFDCH – sigla ho lia-portugés) mak halo prosesu ba pedidu pagamentu hotu ho kontrapartida iha FDCH.
2. STFDCH halo rejistu iha SIGF kona-ba benefisiáriu pagamentu nian no forneseidór sira, molok haruka sira nia respetivu pedidu pagamentu nian ba DGT.
3. STFDCH haruka de'it ba DGT pedidu pagamentu nian ho kabimentasaun no ho disponibilidade orsamentál suficiente iha nível programa no atividade ne'ebé relasiona ho pedidu pagamentu sira ne'e.
4. Pedidu pagamentu liuhusi transferénsia ba konta bankáriu husi embaixada, universidade ka bolseiru sira tenke akompañá ho sira nia respetivu akordu no prova frekuénsia iha kursu ba bolseiru sira, no, alende ida-ne'e, kópia husi komprovativu ba número identifikasaun bankária, enderesu no informasaun bankária tan ne'ebé nesesáriu atu hala'ó transferénsia ida-ne'e.

Artigu 34.º

Regra spesiál kona-ba viajen ofisiál ba estranjeiru

1. Primeiru-Ministru mak iha kompeténsia atu autoriza viajen ofisiál ba estranjeiru husi membru Governu nian no husi titulár ba órgaun diresauñ SSAF nian no OSFA nian ne'ebé tama iha ninia diresauñ.

2. Membru Governu nian mak iha kompeténsia atu autoriza viajen ofisiál ba estranjeiru husi titulár ba órgaun diresaun SSAF nian no OSFA nian ne'ebé tama iha ninia diresaun.
3. Órgaun diresaun SSAF nian no OSFA nian mak iha kompeténsia atu aprova viajen ofisiál ba estranjeiru husi sira nia traballadór sira.
4. Delegasaun ofisiál sira labele liu ema na'in lima, ho exesaun husi delegasaun sira ne'ebé akompaña Primeiru-Ministru ka iha delegasaun ne'ebé membru Governu nian liu ema na'in ida.
5. Tenke halo pedidu autorizasaun ho formuláriu iha aneksu V husi diploma ida-ne'e, no presiza hatama deskrisaun kona-ba atividade sira, rezultadu no benefísiu sira atu alkansa ho viajen ne'e, identifikasaun husi personalidade sira ne'ebé tama iha delegasaun no ho ema hotu nia funsaun sira.
6. SSAF no OSFA idaidak mak responsável ba aprovizionamentu no kontratasaun ba sira nia viajen ofisiál ba estranjeiru.
7. Despeza sira ne'ebé iha relasaun ho viajen ofisiál ba estranjeiru tenke selu verba ne'ebé tama iha Dotasaun Ba Governu tomak, ho exesaun ba viajen sira husi Prezidénsia Repúblika, Parlamentu nasionál, Tribunál sira, RAEOA no SS.
8. SSAF no OSFA tenke apresenta pedidu pagamentu ba despeza sira ne'ebé iha relasaun ho viajen ofisiál iha estranjeiru ba DGT, hamutuk ho autorizasaun husi autoridade competente.

KAPÍTULU VII

Operasaun sira seluk

Artigu 35.º

Fundu maneiu

1. Fundu maneiu refere ba valór ho osan ne'ebé órgaun no servisu sira iha hodi selu despeza loroloron la previstu no katak la previstu iha submisaun ba FCP.
2. Bele hari'i fundu maneiu to'o valór USD \$15.000,00 (rihun sanulu resin lima dólar amerikanu) ba SSAF sira, no tó'o valór USD \$2.500,00 (rihun rua atus lima dólar amerikanu) ba OSFA sira.

3. Bele de'it utiliza fundu maneiu hodi hola bens no servisu sira ho valór la liu USD \$500,00 (atus lima dólar amerikanu), kuandu urjente no imprevizível no ho relasaun ba prestasaun servisu públiku ba populasaun, no mós atu selu despeza sira ne'ebé iha relasaun ho traballadór mate, to'o limite ho USD \$3.000,00 (rihun tolu dólar amerikanu).
4. Labele utiliza fundu maneiu atu hola bens ho kapitál menór, hanesan álcool, kombustível, manutensaun ba motór ka karreta, pagamentu ba despeza sira kuandu halo viajen lokál ka ba estranjeiru, pagamentu husi oras extraordinária, subsídiu alimentasaun, servisu limpeza ba edifísiu públiku, pré-pagamentu ba sasán ka servisu profisionál sira, ka atu halo kontribuisaun ho karáktek sosiál.
5. Akizisaun ba bens no servisu sira ho utilizaun husi verba fundu maneiu nian hala'o ho formuláriu iha aneksu IV husi diploma ida-ne'e.
6. SSAF no OSFA sira mantein livru rejistu ida (*cash book*) kona-ba despeza sira ne'ebé hala'o ho fundu maneiu nian, tuir termu sira iha formuláriu aneksu IV nian husi diploma ida-ne'e.

Artigu 36.º

Adiantamentu husi caixa

1. Adiantamentu husi caixa signifika transfere verba sira ba SSAF no OSFA sira hodi sira bele selu direktamente despeza balun.
2. Ho adiantamentu husi caixa bele selu:
 - a) Viajen iha estranjeiru ba titulár ho kargu polítiku ka kuandu iha justifikasaun no aprovasaun husi órgaun direasaun SSAF nian ka OSFA nian, maibé labele utiliza atu selu despeza sira ne'ebé tama iha rejime jurídiku katak regula ajudas kustu nian;
 - b) Viajen lokál sira ne'ebé la liu loron 15 iha kada fulan;
 - c) Delegasaun Territoriál iha nível munisipál (*District Imprest Fund*) atu apoia despeza sira to'o fulan 3, ho exesaun husi despeza ne'ebé iha relasaun ho kategoria saláriu no vensimentu sira, kapitál menór no kapitál ba dezvoltimentu;
 - d) Despeza sira ho servisu perifériku externu Ministériu Negósius Estranjeirus no Kooperasaun nian, ho exesaun ba despeza kona-ba Kapitál ba Dezvoltimentu;
 - e) Apoiu ba vítima husi dezastre naturál sira no kontribuisaun sosiál;
 - f) Merenda Eskolár atu apoia despeza sira to'o fulan 3;

- g) Subsídiu Alimentasaun ba PNTL, F-FDT, Alfândega sira, Diresaun Nasionál Kuarentena no Bioseguransa, Institutu Jestaun ba Ekipamentus no Guarda Florestál sira;
 - h) Semináriu no sesaun servisu nian;
 - i) Akizasaun ba bens no servisu sira atu halo selebrasaun nasionál;
 - j) Kontribuisaun sira husi Prezidénsia Repúblika nian;
 - k) Programa Mão-de-Obra SEFOPE nian, no mós Programa Servisu iha área bee no saneamentu;
 - l) Programa mão-de-obra F-FDTL nian atu hala'ó servisu iha Zona Rurál sira;
 - m) Tratamentu médiku iha rain liur;
 - n) Subsídiu Eskolár;
 - o) Programa sira ba Saúde Pública;
 - p) Programa atu hala'ó atividade agríkola, florestál, ortikultura, pekuária no peskas ho natureza sazonal;
 - q) Akizasaun materiál ba manutensaun, reparasaun ka substituisaun, ho administrasaun direta, husi rede bee no saneamentu, rede elétrika no via komunikasaun nian;
 - r) Programa ne'ebé iha relasaun ho kestaun seguransa nasionál no defeza nian, investigasaun kriminal no ho servisu intelijénsia nian;
 - s) Despeza sira ho manutensaun no akizasaun husi kombustível ba motór ne'ebé utiliza ba Programa Nasionál Dezenvolvimentu Suku.
3. Ministru Finansas bele autoriza pagamentu ba adiantamentu husi kaixa durante situasaun ne'ebé la previstu iha númeru leten nian.
 4. Pagamentu ba adiantamentu husi kaixa tenke tuir transferénsia bankária ba SSAF no OSFA sira nia konta bankária.
 5. Pedidu pagamentu ba adiantamentu husi kaixa SSAF nian ba DGT tenke inklui dokumentu komprovativu sira ne'ebé enumera iha aneksu VII husi diploma ida-ne'e;
 6. Pagamentu ba despeza sira ho adiantamentu husi kaixa tenke utiliza sistema *Advance Payment Tracking*.
 7. SSAF no OSFA sira mantein dokumentu rejistu ida (*cash book*) kona-ba despeza sira ne'ebé hala'ó ho adiantamentu husi kaixa, tuir termu sira iha formuláriu aneksu VIII nian husi diploma ida-ne'e.

7. SSAF, OASRP no SFA idaidak tenke prepara sira nia relatóriu kona-ba adiantamentu sira to'ó loron 15 husi fulan tuir mai trimestre ne'ebé refere, hamutuk ho dokumentasaun prevista iha aneksu IX husi diploma ida-ne'e.
8. SSAF no OSFA sira tenke fó fali ba Tezouru osan ne'ebé simu tanba adiantamentu sira maibé katak la utiliza, ho identifikasaun husi nia número TPO, valór ne'ebé simu no osan hira mak la utiliza.

Artigu 37.º

Adiantamentu husi kaixa ba servisu perifériku externu Ministériu Negósius Estranjeirus no Kooperasaun nian

1. Servisu perifériku externu Ministériu Negósius Estranjeirus no Kooperasaun nian (embaixada, postu konsulár no misaun no representasaun permanente sira) mantein konta bankária ida hodi halo pagamentu ba sira nia despeza sira, ho identifikasaun hanesan "Embaixada/Konsuladu Timor-Leste nian", no fundus ne'ebé depozita iha konta sira ne'e bele de'it utiliza ho asinatura husi dirijente máksimu ba servisu perifériku hamutuk ho funsionáriu diplomátiku ida seluk ne'ebé, ba efeitu ne'e, dirijente ne'e mak hili.
2. Durante tinan fiskál nia rohan, servisu perifériku externu sira bele mantein, iha sira nia konta bankária, saldu máksimu ekivalente ba 10% husi valór totál iha dotasaun orsamentál respetiva, no tenke fó fali ba Tezouru nia konta valór sira ne'ebé liu valór hirak ne'e.
3. Iha kazu hirak ne'ebé refere iha número leten nian, servisu perifériku externu idaidak tenke apresenta relatóriu ida kona-ba saldu adiantamentu nian to'ó loron 31 fulan-marsu.
4. Servisu perifériku externu tenke haruka deklarasaun kona-ba rekonsiliaun bankária ba DGT to'ó fulan nia rohan ne'ebé tuir kedas ninia trimestre.
5. Ba adiantamentu sira ba servisu perifériku externu sira tenke halo transferénsia regulár semestrál, la'os ho prejuízu ba adiantamentu sira ne'ebé iha relasaun ho despeza anuál ne'ebé bele halo transferénsia kompleta ho dala ida de'it.

Artigu 38.º

Adiantamentu husi kaixa ba delegasaun territoriál sira

1. Iha tinan fiskál nia rohan, delegasaun territoríal sira bele mantein saldu máksimu ho USD \$200,00 (atus rua dólar amerikanu), ho obrigasaun atu fó fali ba Tezouru nia konta, valór sira ne'ebé liu valór hirak ne'e.
2. Ba adiantamentu sira delegasaun territoríal sira nian ho karáker munisipál bele halo transferénsia regulár trimestrál.
3. Fundus ne'ebé halo transferénsia ba delegasaun territoríal sira nia konta bankária ho karáker munisipál bele de'it utiliza ho asinatura husi ninia órgaun diresaun hamutuk ho funsionáriu ida seluk ne'ebé, ba efeitu ne'e, dirijente ne'e mak hili.

Artigu 39.º

Karta Kréditu nian

1. Karta kréditu nian mak hanesan meu pagamentu liuhusi kontratu ho banku ida ba emisaun husi kompromisu irrevogável atu halo pagamentu ida ba benefisiáriu hafoin kumpre kondisaun balun.
2. Bele de'it utiliza karta kréditu nian ba kontratu internasionál sira ka kontratu sira ne'ebé inklui importasaun ba bens.
3. Ministru Finansas mak iha kompeténsia atu autoriza hala'ó pagamentu sira liuhusi karta kréditu nian, no mós atu define ninia termu no kondisaun hirak ba ninia emisaun.
4. Ministériu Finansas kontrata ho BCTL ka ho banku komersiál sira atu halo emisaun ba karta kréditu nian.
5. Tenke rejista karta kréditu nian iha SIGF, hamutuk ho kompromisu no obrigasaun ne'ebé foti.
6. Molok hala'ó pagamentu ba kualkér karta kréditu nian, instituisaun bankária sira tenke konfirma ho Ministériu Finansas katak simu ona bens no katak sasán hirak ne'e kumpre rekizitu qualidade nian.
7. SSAF no OSFA sira mak iha responsabilidade atu halo pagamentu ba despeza sira kona-ba emisaun Karta Kréditu nian, atu halo verifikasaun ba fornecedor sira nia fatura, halo emisaun husi relatóriu entrega, hala'ó inspesaun no halo rejistu ba patrimóniu.
8. Bele de'it apresenta pedidu ba emisaun karta kréditu nian to'o loron 20 fulan-dezemburu tinan 2021, ho exesaun ba kazu ho justifikasaun no aprovasaun husi Ministru Finansas, liuhusi formuláriu iha aneksu X husi diploma ida-ne'e.

Artigu 40.º

Konta fidusiária sira

1. Konta fidusiária mak meu pagamentu ida iha-ne'ebé banku ida mak rai verba sira ba pagamentu, no banku ne'e sei haruka fali ba benefisiáriu hafoin emisaun husi instrusaun apropiada ka hafoin kumpre kondisaun balun.
2. Bele de'it utiliza konta fidusiária ba kontratu internasionál sira, kontratu investimentu no kontratu ne'ebé iha relasaun ho parseria públiku-privada.
3. Ministru Finansas mak iha kompeténsia atu autoriza hala'ó pagamentu sira liuhusi konta fidusiária sira, no mós atu autoriza ninia abertura no define ninia termu no kondisaun hirak ba ninia emisaun.
4. Ministériu Finansas kontrata ho BCTL ka ho banku komersiál sira atu loke konta fidusiária sira, tuir akordu ho SSAF ka OSFA no instituisaun bankária ne'e atu determina kondisaun hirak iha jestaun ba konta no atu halo pagamentu sira.
5. Tenke rejista konta fidusiária sira iha SIGF, hamutuk ho kompromisu no obrigasaun ne'ebé foti.
6. SSAF no OSFA sira mak iha responsabilidade atu halo pagamentu ba despeza sira husi konta fidusiária ne'ebé sira mak responsável, atu halo verifikasaun ba fornecedor sira nia fatura, halo emisaun husi relatóriu entrega, hala'ó inspesaun no halo rejistu ba patrimóniu, no atu hato'ó informasaun ne'e ba DGT.
7. Molok hala'ó pagamentu liuhusi konta fidusiária, instituisaun bankária sira tenke konfirma ho Ministériu Finansas katak simu ona bens ka halo ona servisu ka obra no katak buat ne'e kumpre rekizitu qualidade nian.
8. Bele de'it apresenta pedidu abertura ba konta fidusiária to'o loron 20 fulan-dezemburu tinan 2021, ho exesaun ba kazu ho justifikasaun no aprovasaun husi Ministru Finansas.

Artigu 41.º

Pagamentu adiantadu

1. Pagamentu adiantadu mak hanesan pagamentu ne'ebé halo molok entrega sasán, ka molok prestasaun servisu ida ka hala'ó obra ida.

2. Ministru Finansas mak iha kompeténsia atu autoriza halo pagamentu adiantadu ruma.
3. Bele de'it halo pagamentu adiantadu durante situasaun exesionál, ho fundamentasaun diak, kuandu presiza iha pagamentu atu adjudikatáriu bele halo ninia prestasaun, no hafoin adjudikatáriu apresenta garantia ida ho valór hanesan.

Artigu 42.º

Garantia sira

1. Garantia ba pagamentu adiantadu no garantia ba ezekusaun husi kontratu públiku sira tenke, preferensiál, tuir forma nu'udar garantia bankária.
2. Garantia kualidade nian ba kontratu públiku sira tenke, preferensiál, tuir forma retensaun ba osan balun.
3. Garantia bankária hanesan garantia pagamentu adiantadu nian tenke iha aprovasaun husi Ministru Finansas, bazeia na rekerimentu SAAF nian no OSFA nian, hamutuk ho garantia husi instituisaun bankária no kontratu nia minuta atu asina.
4. Instituisaun bankária ho sede in territóriu nasionál ka iha estranjeiru bele halo emisaun ba garantia bankária, maibé kuandu iha estranjeiru, tenke halo emisaun liuhusi representasaun iha territóriu nasionál no ho kolaborasaun ho entidade bankária ho sede ka ajénsia rasik iha Timor-Leste.
5. Garantia bankária sira tenke kumpre rekizitu sira tuir mai:
 - a) Koinsidénsia entre prestasaun iha garantia no prestasaun prevista iha kontratu subjacente;
 - b) Indikasaun husi adjudikatáriu nu'udar kontratante ba garantia;
 - c) Indikasaun husi adjudikante nu'udar benefisiáriu ba garantia;
 - d) Identifikasaun no nasionalidade husi garantia nia emisór, no kuandu nesesáriu, identifikasaun husi instituisaun bankária nasionál;
 - e) Kobertura husi períodu vijénsia kontratu nian ka períodu garantia kualidade ba períodu vijénsia garantia nian;
 - f) Indikasaun kona-ba kontratu nia valór;
 - g) Koinsidénsia husi valór garantia nian ho persentajen husi kontratu nia valór ne'ebé nia tenke korresponde;

- h) Irrevogabilidade;
 - i) Pagamentu ba solisitasau dahuluk nian.
6. SSAF no OSFA bele de'it liberta garantia sira ba garantia ezekeusaun no garantia kualidade ba kontratu públiku sira hafoin konfirma ezekeusaun kompleta no satisfatória husi kontratu no se karik laiha defeitu ruma durante prazu garantia, respetivamente.
 7. Libertasaun ba garantia bankária sira husi garantia pagamentu adiantadu nian depende husi DGT nia autorizasaun prévia, hamutuk ho fornecedor nia fatura, relatório inspesaun no entrega nian no formuláriu kona-ba rejistu ba patrimóniu.

Artigu 43.º

Repozisaun

1. Repozisaun ba valór ne'ebé SSAF, OSFA, RAEOA ka SS selu sala tenke liuhusi devolusaun ka kompensasaun.
2. SSAF, OSFA, RAEOA no SS halo emisaun ba guia devolusaun iha-ne'ebé identifika valór mak selu sala, ninia prazu devolusaun no konta ba ne'ebé tenke halo pagamentu no tenke notifika devedór atu halo ninia pagamentu.
3. Osan ruma ne'ebé selu sala ba traballadór sira tenke, kuandu bele, halo kompensasaun liuhusi pagamentu tuir mai ne'ebé hanesan.
4. Kuandu halo pagamentu sala liuhusi transferénsia bankária hafoin benefisiáriu mate, DGT, RAEOA ka SS tenke notifika instituisaun bankária atu fó fali osan ne'e ba pagadór nia konta, hafoin halo komprovasaun ba faktu ne'e, no la presiza iha kualkér formalidade tan.

KAPÍTULU VIII

Alterasaun orsamentál sira

Artigu 44.º

Alterasaun orsamentál sira

1. Bele konsidera hanesan alterasaun orsamentál kualkér alterasaun ba valór ne'ebé hatama iha tabela reseita nian no despeza nian husi lei Orsamentu Jerál Estadu nian ka iha orsamentu sira husi SSAF, OSFA, RAEOA no SS.

2. Alterasaun orsamentál hotu tenke tuir saida mak dispostu iha artigu 38.º husi Lei n.º 13/2009, loron 21 fulan-outubru, kona-ba Orsamentu no Jestaun Financeira, Lei n.º 9/2011 loron 17 fulan-agostu, ne'ebé aprova Orgánika ba Câmara de Contas husi Tribunál Superiór Administrativu, Fiskál no Kontas, ho alterasaun husi Lei n.º 3/2013, loron 7 fulan-agostu, no iha artigu 11.º husi Lei n.º 14/2020, loron 29 fulan-dezemburu, ne'ebé aprova Orsamentu Jerál Estadu nian ba tinan 2021.
3. Alterasaun orsamentál entre programa, diresaun no kategoria sira hetan autorizasaun husi Ministru Finansas nian.
4. Alterasaun orsamentál sira entre subprograma, atividade no rúbrika sira iha diresaun no kategoria despeza hanesan hetan aprovasaun husi órgaun diresaun SSAF nian ka OSFA nian.
5. Autoridade RAEOA nian mak aprova alterasaun orsamentál sira kona-ba RAEOA nia Orsamentu.
6. Alterasaun orsamentál sira tenke identifika programa, atividade no meta orijen nian, hamutuk ho ninia afetasaun ba programa, atividade no meta foun atu atinje.
7. Tenke hato'ó informasaun kona-ba alterasaun orsamentál sira ba Diresaun-Jerál Planeamentu no Orsamentu (DGPO - sigla ho lia-portugés) Ministériu Finansas nian hodi halo prosesamentu no atualizasaun iha sistema.
8. Alterasaun orsamentál sira entre programa no kategoria ho impaktu ba meta hirak ne'ebé estabesele iha planu anuál tenke iha jsutifikasaun tuir formuláriu iha aneksu XI husi diploma ida-ne'e, no la presiza paresér préviu UPMA nian.
9. Labele halo alterasaun ruma ho orijen iha dotasaun afeta ba atividade sira ne'ebé iha relasaun ho Planu Rekuperasaun Ekonómiku, ho konsiderasaun ba fonte finansiamentu ne'ebé identifika iha sistema SBTFLL, exetu ho autorizasaun husi Ministru Finansas ho paresér préviu favorável husi UPMA.
10. Labele halo alterasaun orsamentál sira ho orijen iha rúbrika kona-ba despeza no servisu sira ho utilidade pública (eletricidade, bee, telefone, internet, nst.), mak rúbrika 625, 640 no 705.

Artigu 45.º

Reserva kontinjência

1. Pedidu utilizasaun husi reserva kontinjénsia hetan justifikasaun devida tuir termu sira husi n.º 3 iha artigu 7.º no iha artigu 37.º husi Lei n.º 13/2009, lora 21 de fulan-outubru, kona-ba Orsamentu no Jestaun Finanseira, ho alterasaun husi Lei n.º 9/2011, lora 17 fulan-agostu, no n.º 3/2013, lora 11 fulan-setembru, no inklui deskrisaun detallada kona-ba atividade sira atu hala'ó.
2. Ministru Finansas mak autoriza pedidu utilizasaun husi reserva kontinjénsia.
3. SSAF no OSFA idaidak mak responsável ba demonstrasaun husi kumprimentu ba rekizitu urjénsia nian no imprevizibilidade hodi bazeia sira nia pedidu asesu ba reserva kontinjénsia.

KAPÍTULU IX

Regra komplementár no esepiál sira

Artigu 46.º

Regra ezekusaun husi orsamentu ba servisu perifériku externu Ministériu Negósius Estranjeirus no Kooperasaun nian

1. Servisu perifériku externu Ministériu Negósius Estranjeirus no Kooperasaun nian mantein konta bankária ida hodi halo depózipu ba reseita sira ne'ebé sira simu, ho identifikasaun hanesan "Embaixada/Konsuladu Timor-Leste nian".
2. Fundus ne'ebé depozita iha konta sira ne'ebé refere iha número leten nian bele dei't utiliza ho asinatura husi dirijente máksimu ba servisu perifériku hamutuk ho funsionáriu diplomátiku ida seluk ne'ebé, ba efeitu ne'e, dirijente ne'e mak hili, exetu ba kazu katak DGT fó autorizasaun atu uza asinatura ida de'it hodi utiliza osa husi konta ne'e.
3. Valór sira ne'ebé iha relasaun ho reseita sira husi servisu perifériku externu Ministériu Negósius Estranjeirus no Kooperasaun nian tenke transfere ba Estadu nia konta to'ó trimestre idaidak nia rohan ho informasaun ba DGT, ho exesaun ba reseita sira ne'ebé simu iha trimestre dahikus, ne'ebé tenke transfere to'ó lora 23 fulan-dezemburu.

Artigu 47.º

Regra sira atu ezejuta orsamentu husi sekretariadu munisipál

1. Ezekusaun kona-ba dotasaun sira iha Orsamentu Jerál Estadu nian ne'ebé aloka ba Autoridade no Administrasaun Munisipál sira tenke tuir regra sira ne'ebé aprova ho Dekretu-Lei n.º 3/2016, loron 16 de fulan-marsu, ne'ebé estabelese Estatutu ba Administrasaun Munisipál sira, Autoridade Munisipál sira no Grupu Tékniku Interministeriál ba Desentralizasaun Administrativa, ho alterasaun husi Dekretu-Lei n.º 9/2018, loron 9 fulan-abril, no ho Dekretu-Lei n.º 54/2020, loron 28 fulan-outubru.
2. Orsamentu ba sekretariadu autoridade no administrasaun Munisipál sira inklui servisu munisipál sira nia despeza ba apoiu tékniku, administrasaun no rekursus umanus, finansas, patrimóniu no lojístika, aprovizionamentu, planeamentu integradu no dezvoltamentu, Apoiu ba Organizasaun La Governamentál no ba Organizasaun Komunitária sira no ajénsia Planeamentu no Fiskalizasaun Munisipál.

Artigu 48.º

Regra sira atu ezejuta Orsamentu husi Seguransa Sosiál

1. INSS mak iha kompeténsia atu halo kobransa ba reseita sira no pagamentu despeza sira husi sistema SS nian ne'ebé foti kompeténsia sira nu'udar tezouraria únika husi sistema SS nian hamutuk kooperasaun ho Tezouraria Estadu nian.
2. INSS tenke iha, pelomenus, konta bankária rua, ne'ebé ida hanesan komersiál, atu simu kontribuisaun sira setór privadu nian, no ida seluk iha Banku Sentráal Timor-Leste nian, atu simu kontribuisaun sira Estadu nian no transferénsia sira husi Orsamentu Estadu nian.
3. Conta bankária komersiál sira, ho INSS nia naran, iha pelomenus asinatura 3, iha-ne'ebé 2 mak obrigatóriu atu halo kualkér tranzasaun.
4. Reseita sira husi seguransa sosiál kona-ba kontribuisaun sosiál sira tenke bazeia ba Guia Pagamentu ho asinatura husi Diretór Ezekutivu INSS nian ka husi ema ne'ebé nia delega kompeténsia ne'e.
5. Despeza seguransa sosiál nian kona-ba despeza Administrasaun nian ka pagamentu husi prestasaun sosiál sira tenke iha autorizasaun husi INSS nia Diretór Ezekutivu ka husi ema ne'ebé nia delega kompeténsia ne'e.
6. Despeza seguransa sosiál nian kona-ba prestasaun sosiál sira iha rejime tranzitóriu, husi rejime jerál no rejime la kontributivu, tenke utiliza nafatin konta bankária komersiál, preferensiál mak konta bankária benefisiáriu nian.

KAPÍTULU X

Dispozisaun finál sira

Artigu 49.º

Regra komplementár sira

Ministériu Finansas bele halo emisaun ba sirkulár sira ne'ebé fó orientasaun kona-ba interpretasaun no aplikasaun ba norma prevista iha diploma ida-ne'e.

Artigu 50.º

Rejime tranzitóriu

Ministériu Finansas, hamutuk koordenaun ho Ministériu tutela nian, organiza durante semestre dahuluk tinan 2021, formasaun kona-ba SIGF nia funsionamentu ba traballadór sira iha Ajénsia Kooperasaun Timor-Leste nian (ACT-L - sigla ho lia-portugés), iha Arkivu Nasionál Timor-Leste nian, iha Institutu Nasionál ba Formasaun Dosente no Profisionál Edukasaun (INFORDEPE), iha Sekretariadu Tékniku ba Administrasaun Eleitorál, iha Autoridade Nasionál Petróleu no Minerál, I.P., no Institutu Petróleu no Jeolojia, I.P., atu implementa ninia autonomia finanseira kompleta no integrasaun kompleta husi ninia reseita no despeza sira, iha Orsamentu Jerál Estadu nian ba 2022, tuir termu sira previstu iha artigu 15.º husi Lei n.º 14/2020, loron 29 fulan-dezembriu, ne'ebé aprova Orsamentu Jerál Estadu nian ba 2021.

Artigu 51.º

Aneksu sira

Aneksu I to'o XXIV iha diploma ida-ne'e hetan aprovasaun, no aneksu sira ne'e hola parte ba efeitu legál sira hotu.

Artigu 52.º

Tama iha vigór

Diploma ida-ne'e tama iha vigór iha loron tuir mai ninia publikasaun, ho efeitu sira dezde data tama iha vigór husi Lei Orsamentu Jerál Estadu nian ba tinan 2021.

Ho aprovasaun iha Konsellu Ministrus iha loron 8 fulan-janeiru tinan 2021.

Primeiru-Ministru,

Taur Matan Ruak

Ministru Finansas

Rui Augusto Gomes